

官板

中外新報

千八百六十年
咸豐十年四月

18

193

9

0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

門 4 8
號 193
卷 9

中外新報第十號

千八百六十年咸豐十年四月初一日刊

寧波

寧地向為商賈貿易之區近因內路長毛蔓延各處兼之
海盜蜂起船隻往來殊多未便故各項生意均屬寂寥○
前月間北號火輪船在鎮海近處遇有盜船四其三揚帆
而逃其一不及避者遂為火輪船所壞內有盜匪三十餘
名盡斃于水是船多銀開炮轟擊時甚有以之作炮彈者

舟山

三月十八日英佛二國撥兵數千入據舟山居民毫無所

昭和十五年
五月十一日
購求

犯故各舖戶仍得安業如常惟使定海廳與總鎮官不得攬權治民自擇一人以爲就地官長近聞惟留千人防守餘皆起程往北予思英佛人于舟山一地日後歸與不歸均屬未定然即其行事觀之則如久假而不歸矣彼廳官等猶復耦居無猜依依不忍去之其意以爲舟山尚未失歟抑恐得罪于君而故爲是躊躇以掩人之耳目歟

杭州

二月二十七日長毛竄陷杭城內外民屋多被焚燒老幼婦女因踐踏自盡而死者不計其數巡撫藩憲運司等皆殉節將軍堅守旗城惟臬憲段公則退守西興旋于三月

初三日長毛聞有太兵繼至遂行退出而段臬憲得以安然渡江復入杭城矣

上海

上海中外商人亦因內路長毛變故生意均屬清淡又兩月前聞有紅頭賊匪欲圖竄陷城內居民紛紛遷避道憲等官均有戒心幸英佛二國領事官出示曉諭紅頭不得侵犯上海倘敢復肆故惡我二國必當舉兵殲除後其事遂寢人心遂安民仍遷入城內得以安堵如常○佛兵與師船等概次于吳淞在上海者少

潮州

近有外國匪類在潮州販賣華人較前尤盛因哈佛那督
 臣出示限至今年十二月為滿即中華十一月以後不得販載華
 人入口哈佛那西班牙屬島外國匪類販運華人至是島者為多聞華人為匪類所販
 其意願往格力巴與澳大利者多願往哈佛那者少因至
 哈佛那為傭較他處為苦

香港

英佛兵船次于香港者約四十餘號餘者散至各處均待
 前任欽差到港後一同起程往北近有人云欽差所以不
 即到者因佛人欲攻入北京後奪取中華之地與英人之
 意稍有不合故二國欽差尚須會議予思此事虛實未知

如何若果其然則二國自相齟齬而攻北之事必遲時日
 或英人先攻佛人後攻亦未可知○英佛兵船已至中華
 地界者共有百餘號兵約三萬餘名其餘尚未盡到

黑龍江

黑龍江口前有俄兵聚集至今仍然未散其所以聚集之
 故究亦不知為何

日本

兩月前日本人心惶惑頗覺騷動近聞稍安得以照常為
 業英佛人皆向是國買馬以備攻擊北京之用其馬或有
 運至香港或有運至上海然皆羸弱無力故多有至而死

者○又聞日本火輪船始往花旗

天竺

天竺內地鄰西藏者近聞多有變故未甚安平

薩爾蓋西亞

薩爾蓋西亞在亞西亞洲內界于俄羅斯土耳其之中是國崇山峻嶺連絡不絕居民貌皆俊俏身長膽大自相管轄不為人下故時與俄人構戰近因俄人逼之太甚致書于英吉利花旗佛蘭西澳大利等國意欲他國人阻隔俄人使無戰爭之苦得以自固其圍也書內約云不拘何國之人俱堪僑寓我國我國必善待之唯俄素與我為仇彼

若欲入我國我必悉力以敵即至通國人為伊所斃而亦不之許也

西班牙

西班牙與摩洛哥構兵屢戰屢勝近聞摩之京城已為西人所據然摩人終不肯屈常收餘燼以與西人決戰

茄佛島 荷蘭屬

近有一花旗船載華人多名自潮州起程將往哈佛那行至茄佛相近處船中華人忽起而為變船主懼其害已急召英兵船助之後有荷蘭兵船帶入于勃對維亞茄佛京城交與花旗官以究華人之在該船者或為該船所強勒不

願往外為傭則起變情由自知下落○外國人販賣華人約花旗船為多緣花旗官之在中華者于此事概置罔聞然每年中有船為是業者往往行至半途華人忽起而為變或殺船主或將該船焚燬以此可知販人之業本不在生意中也

英吉利

近日有耗來自英京倫敦云兩月前英國大憲會議中華之事或云去歲天津變故乃我國欽差與提督等辦理未善或云大清背約是寔非關我國欽差之故或云攻擊中華宜與佛蘭西同事或云不宜與之同事或云與中華決



戰必宜攻入北京方為得要或云不宜攻入北京因恐大清國祚不無有碍或云先宜攻擊各處炮臺後當奪取南京居中華心腹以為久計又有一種桂格爾人抱煦煦之仁不忍與中華決戰因此議論紛紜尚未定奪予思復一月後必有定議而中華之是否可見○又聞英佛二國近有不睦之意因佛國奪取歐羅巴二小地一名薩輔依近地尼思近薩爾一名蘇子蘭國一名地尼亞國未曾與英相商又因佛人欲攻入北京後奪取中華大半此二者與英人之意大有不合

佛蘭西

佛蘭西國君昔本與洋教王和好故教王在羅馬佛常遣

兵護之近因教主欲統轄以大利全土兼理國事在佛君
與英人之意以為教主宜理教務不宜兼理國事因此教
王與佛君不合佛君將兵丁駐劄羅馬者盡行飭回又歐
羅巴諸國之君亦因教主欲統轄以大利俱遣使臣至以
大利會議而教主之意以為以大利本我所屬何須諸國
使臣多為躊躇因此羣相擬議爭論不休予思日後佛蘭
西與澳大利及洋教主必啟爭端或至興兵構怨亦未可
知○又佛蘭西一國崇洋教者居多咸思臣事教王佛君
深忌之故不欲教主得擅君國之權然此與輿情不合近
聞佛君常有戒心凡一飲一食必親自檢點誠恐為進毒

者所害

花旗

前號所載花旗與中華立約于二十九條議及行教之事

造醋法

醋之為用最廣西法以大木桶一只上蓋以木板板有
小孔每孔內塞以棉花離棉花少許約在上半桶之間將
椎木或櫟樹削為小片先以已成之醋浸之然後置於上
半桶他木之片亦可用但須擇味之佳者至下半桶復以木板間之是層木
板亦有小孔板之下即下半桶但其中空虛不置以他物
第於四圍鑽以小孔使外氣得入桶之底亦有孔孔之下

日夕幸 咸豐十年四月

復置一小桶使醋可自大桶流入于小桶造之者以酒注于桶上使沁入孔中之棉花累如珠而下將木片沁透注于下半桶所間之板下半桶板有小孔復流入于空虛之處得外氣灌入使酒味漸去而醋味漸來如是流入于大桶下之小桶即成爲醋或一次味尚不佳可復將此醋注于大桶上使復入棉花木片約一日夜往復五次其味必佳

造鋼法

鐵之成鋼也最易西法以鐵箱一箱底先鋪以煤炭復鋪以鐵塊如是一層煤炭一鐵塊層鋪滿將箱蓋緊合下即以火灼之移時鐵箱爲火所紅箱以內煤炭與鐵塊俱紅煤炭紅後約煨爲灰而其精即入于鐵塊中而鐵塊遂成爲鋼如欲煉成鋼之至美者可將箱內之鐵塊紅時取出以鐵椎敲之復煨于鐵箱中而其鋼遂無匹

附蘇州

近聞本月初五蘇州已爲長毛所陷城箱內外民屋被焚者無數予思此言虛實究未可知然已約在危急之間矣○又上海亦因蘇州變故本月初六七日有難民船入港人心惶惑紛遷避者不計其數爲商者亦多歇業而回

A large rectangular area containing vertical lines, serving as a placeholder for a table of contents or a list of items.

萬屋兵四郎藏

發閱目錄

舶來蕃書類

官版原書類

同翻譯書類

東都豎川三之橋

萬屋兵四郎

老皂館



